

虛舟集卷之五

七言律詩

登無諸釣龍臺懷古

高臺遠枕大江流，江上雲屏宿霽收。
才子揮毫春作賦，商人酌酒晚移舟。
空潭龍去山河改，古殿雲寒劍戟愁。
莫向此中多感慨，漢家陵樹已千秋。

留別梅溪諸友

涼風才動芰荷衣，却憶青山賦獨歸。
近別慈親溫省曠，乍拋酒伴醉吟稀。
天邊鴻雁秋雲薄，水面蒹葭夕鳥飛。
後夜與君相憶處，蕭蕭蘿月掩荆扉。

新築草堂成有述

買得幽溪絕世塵林間車馬到無因茅廬新就堪招
隱松菊移來散及隣薄暝鳥歸臨水樹傍崖鹿趁採
芝人廟堂豈敢干時用但恨雲泉了此身

草堂與山僧夜坐自牧馬大見過

移居深入水南村五柳新栽正對門傍岸春流沿翠
簾亂藤栖鳥近黃昏牀頭折簡山人致燈下名香野
衲焚童子夜深知客至隔隣呼取醉芳尊

春暮同周玄郊行宿烟霞道院時約黃生

同奕

累月看花奈醉吟不知春樹變鳴禽偶隨芳草同閑
履靜拂孤雲響素琴塵世閑情人事少松壩期伯夜

燈深明朝入洞觀基去未許樵夫得見尋

晚至鶴林寺

問訊山人指白雲數聲烟磬隔溪聞竹房燈靜知僧
梵松院苔深見鶴羣聽法夜深山寂寂懶吟衣上月
紛々曉鐘又逐塵緣散此地心期孰與論

山中送陳生歸海上

洞口花飛春欲闌玉缸携酒送君還三年厭見天涯
月千里歸尋海上山壯志功名看髮變浮雲世事與
心閒要知別後相思意萬壑松濤懶閉關

登宿雲臺

一徑緣蘿到上方宿雲臺閣樹蒼々憑虛目送秋鴻

遠向夕窓涵海雨涼童子見人能下拜老僧出定自
焚香送來性癖耽禪悅長向空門禮法王

寄張負外

新年柳色滿都城僊掖朝迴聽早鶯日隱層墀殘雪
在香傳別殿曉寒輕瑤池阿母憐方朔漢室公卿羨
賈生獨咲長卿淹病久茂陵高臥有餘情

登古囊山辟友岩和瓢所居士之作因寄

黃八齋

何處秋吟覓遠公蒼苔古道石林東月生雙樹聞虛
籟香繞諸天見化宮萬法已超言說外此身多在別
離中明朝更寫三生偈去約忘機海上翁

中秋與劉大會溫陵因寄舍弟

相逢斗酒粵江濱客裏襟期有故人天上幾迴今夜
月此生空咲百年身且須縱醉清尊倒謾說憂時白
髮新却憶鴈行同賞處故山回首一露巾

溫陵送劉大還三山

江流慢曙入河低一尺魚箋醉懶題古道菊花秋草
裏敗林莎井露螢啼空林寒影凋芳樹遠澗泉聲下
碧溪客路相逢方絕倒馬蹄何事又東西

秋日與胡泉州會小山叢竹亭分韻

得飛字

秋風江上早鴻飛桂樹團圓影漸稀此日尊前須盡

醉古來林下幾人歸青山烏帽情何戀翠竹黃花領
不遠更愛山亭車馬散照人蘿月自依依

客清源贈董別駕

清時不逐登壇貴瘴海聊因作郡過細柳營中辭虎
竹刺桐花底聽絃歌雙旌暇日朋簪盍別駕行春雨
露多自是清源山水勝日勤車馬訪烟蘿

山中黃博士不至因再約以寄之

秋風吹落桂花殘寂寞淮南賦小山自咲草堂魚佩
冷空將瑤水鶴書還石門蘿月誰同醉洞口松枝祇
獨攀明日角巾能到否呼童竹下掃柴關

春日對酒酬鄭公啓

與君相見即相歡况值芳春感二難尊酒只邀花底
酌流年不用鏡中看江頭草色侵衣袂雨後鶯聲滿
石欄世事悠悠祇如此出門何處可彈冠

送人歸任海南

一曲長歌梁甫吟百年人事幾浮沉青雲北上功名
薄白首南還歲月深贈別臨岐思解劍歸來相憶在
鳴琴江頭日夜東流水欲識滔滔是此心

登九僊山懷林頻因寄

雪後空江一棹過新年草色送離歌心知別後登臨
少福池重來感慨多谷口飛花看薄暝洞門啼鳥掩
柴扉知君亦有東山屐歸去雲林近若何

遊仰山寺

優鉢曇花幾樹開寶坊作禮面如來竹邊野納叅方
至龕裏神僧入定回鹿女獻芝依法苑鴈王啣果繞
華臺空門且得休塵累何待人間變劫灰

崇川寄懋功張秀才

百尺灘頭一訪君碧雲秋靄正紛紛故人已嘆晨星
少此會翻成落葉分遠樹孤城江上閉晴空踈鴈醉
中間也知西去寧親日還有相思寄斷雲

呈芮建安

翩翩五馬擁朱轡遠駐旌旗嶺海間不以專城居虎
竹誰當西顧慰天顏訟庭落葉知秋早階樹啼鳥見

吳閒早晚穎川先奏捷大廷車劍爲君頌

與夏少府迪話別登薛老峯

新秋客裏喜相逢絕頂登臨興不窮遠嶼綠波孤鳥
外亂山黃葉白雲中明朝霄漢應誰共別墅琴尊此
會同去後重來相憶處短筇吟倚候歸鴻

同自牧瓢所宿張氏南樓

鳥下平蕪夕靄收偶携江客宿層樓月明清夜聞鴻
鴈窓近天河絳斗牛幾杵鐘聲雲外杳千家曙色暝
中浮醉來枕藉秋冷薄疑借僊槎覓遠遊

過舊游有感

濕雲如醉護輕塵黃蝶東風滿四隣新絲只是銷晚

黛落紅猶記掩歌唇舞樓春去空殘日月樹香飄不見人欲覓梨雲僊夢遠坐臨芳沼獨傷神

秋日懷林源前輩

載酒行吟野寺秋青山去後與誰遊懷人獨卧雲中島感興頻登江上樓黃菊久拚陶令醉白頭重抱仲宣愁夜來明月還相照好寄心期到劍州

冬日與諸生登天香臺書寄王處士

拂曉登臨上翠臺天風吹送遠香來雲空碧海三山小臘盡寒梅一樹開下界人看塵劫外上方鍾斷白雲隈緱山忽憶吹簫侶為寫鴛鴦絨付鶴迴

寄自牧時客林王生別館

繁浮生慣學水中萍
空程蘭棹天邊遠
舊業柴扉海上
高若向山陰逢道士也應為寫換鴛經

駕幸太學后從有作兼似曾監諸博士

金輿旦出九重城
壁水風雲氣色清
千載衣冠尊俎
豆萬方禮樂值文明
橋門列士瞻天近
雲路羣仙捧
日行講席更聞敷典誥
琅琅將虞夏翊昇平

退朝左掖聞然馬追和鄭紀善之作

帝城春早覺春和
朝罷鐘聲送珮珂
文羽不隨天仗
散調音偏傍上林多
嬌連雁石花前聽
迥雜雲韶柳
外過却憶故園芳
樹底停盃為尔罷狂歌

元夕午門侍宴

臘雪霏微柳外消
天衢香雪語
逐人飄
千門火樹攢珠
斗五夜笙歌
下碧霄
玉醴恩頒
春色早
金波影浸
漏聲遙
侍臣霑露
將何補
願頌康哉
荅聖堯

早朝同負外文賦時有紀事

花擁千官刻漏傳
蓬萊遙在五雲邊
星移北斗當宸極
樂動南薰捧帝筵
遲日漸晞仙掌露
輕風猶裊御爐烟
明朝海上祠金馬
紫鳳丹書下九天

元夕黃庶子淮宅詠蓮花燈和胡

學士廣韻

剪製芙蓉朶
新元宵
分得玉堂春
祗疑金炬來
深夜未許青藜繼
後塵
星華乍移
光滿座
月波才動影

玉節重持出禁闈
都門觀餞有光輝
三湘曉色隨駉馬
五嶺春雲上繡衣
島樹盡隨霜後落
遠人多在日邊歸
會看滄海澄清遍
一鷲橫空似子稀

送林叔亮教授四明

秦淮新鴈不堪聞
惆悵官亭一送君
尊酒暫留吳市月
扁舟遙指越溪雲
秋來幾處寒聲早
海上千峯秀色分
帳下諸生相待久
未應寂寞嘆離羣

送顯上人還閩中

半生蹤跡慕雲山
結得真僧住世間
夜宿孤燈隣妙梵
曉隨清磬度禪關
心通萬法緣俱寂
目泯空華意自閑
此日微官牽物累
更堪江上送師還

寄鳴秋趙山人兼似幻居閑士

石橋低覆薜蘿陰
澗戶虛窓憶醉吟
書寄遠公林下
倡調高中散竹邊
琴藥蘭春去啼禽
換茶竈秋來落
葉深別後此情何
所似題封一寄故
人心

送龍河傑首座自五臺歸將赴天台

偶逐孤雲下五臺
又携明月上天台
衣傳異域曾留
偈楓落長江見渡
杯上界經行人世
別天宮說法夢
中迴明朝相憶霞
城遠空仰金繩覺
路開

太常葛寺丞惠菊花賦荅

重陽陶令嗟無酒
咲我霜餘未見花
黃菊忽驚移奉
澧白衣從遣到隣
家寒生客邸秋光
滿擷秀踈英舞
隨人年々此會逢
佳賞醉落筵前紫
綺巾

撥發成侍宴和趙即毅之作

別殿新開上苑東
旌旗遙駐五雲中
花深綺席來僊
佩香逐金貂引上
公自是衣冠逢盛
世非閑歌舞樂
春風何人賦有凌
雲調明日天書許
薦雄

送曾侍講祭扈從幸北京

羽林仙仗擁皇圻
鳳輦時巡出禁闈
萬國歌謠歸盛
世兩京玉帛望天
威相如扈蹕人皆
羨賈誼匡時志
日甘泉還獻賦會
令列從有光輝

不遠明

送戴子義之揚州幕府之任

二月都門柳未眠
行人朝發廣陵船
酒酣起舞停鷗

奏啓別臨岐贈馬鞭往事玉蕭明月夜江南春雨綠
蕪天憑君早慰居民望莫學青樓覓翠鈿

晚集黃審理濟池上

池上涼風泛夕波
筵前紅粉動高歌
朝迴不惜清尊
倒醉後從教白髮多
寒色又驚秋社燕
露香猶送晚
空荷婦鞍未許隨
明月良會人生信幾何

送馬進士之姑塾

門外驪歌不忍聞
城頭落葉正紛紛
數尊白下分殘
雨一棹青山窅暮雲
吳苑砧聲霜後急
杜陵秋色鴈
邊分朝迴玉珮成
行處羊少心期獨憶君

送文良輔湖廣憲副擢廣東憲使

影斜三徑縱令歸未得也應一絮墜烏紗

挽清暉亭林處士

芳洲蘭社正霏々忽訝中峯殞少微
雅調何因寄流水孤琴空自掩清暉
雨荒脩竹碁聲靜塵滿閒床鳥跡稀
為問沙頭鷗鷺侶此時誰與更忘機

挽林給事中正

少年簪筆侍承明誰復才華似賈生
零落桂枝天上夢淒涼
薤露世間情秋風旅襯歸何處
落日泉扉閉九京
欲致生芻陳楚些不堪南望淚霑纓

過晚城謁余忠宣祠

寂寞孤城野水濱
亂餘猶見幾家存
女墻日落埋秋

草官樹啼鳥集暮雲百戰徒聞存國步孤忠誰復吊
英魂夜來遺廟空庭月長遂悲笳不忍聞

登小姑山和何禮部韻

宦遊久意愜登臨此日憑高快賞心水盡平湖空外
落天開絕島望中沉仙人遊佩春雲染神女宮環曉
霧侵却羨漁舟烟浦笛數聲何處荅清吟

泛舟漢江示同使何禮部讓

郢樹西連鸚鵡洲前浩蕩漢江流當年神女曾遺
佩此日儒即更泛舟雨歇鷗鳧見屏底見烟光島嶼鏡
中浮平生最有滄浪意一曲傳君入棹謳

過鐵甕城

大江東去浩無窮江上孤城勢最雄天地今逢王業
盛山河曾咲霸圖空寒潮落盡春雲白沙鳥飛來夕
照紅欲訪遺蹤尋海岳月明跨鶴共凌風

過毘陵懷浦舍人源

毘陵烟樹晚依_七短徑行尋到夕暉吟社空餘秋草
沒故園時見野禽飛晉宮詞筆應誰繼_七聖代才名似
子稀此日懷君何處寫臨風惟有一沾衣

到南湖草堂

草堂旧隱白雲边湖上春風耐醉眠别去松楸頻入
夢重来猿鶴又經年移文漫假山灵_七誚謝病終須_七至
主憐明發江頭首御動晚林重鎖綠蘿烟

登采石蛾眉亭

牛渚磯頭烟水生，蛾眉亭下大江橫。
春歸楚樹浮空盡，山隱淮雲入望平。
瓊館有才看倚馬，錦袍無夢借飛鯨。
停橈欲和渝洲曲，都付吳歌子夜聲。

宿巴陵聞笛

玉篴飄殘月下聲，空江秋入思冥冥。
怪來揚柳移開塞，可是梅花落洞庭。
半夜旅魂隨調切，誰家少婦倚樓聽。
曉來更覓龍吟處，一點君山水面青。

幕中贈張郎中

共投簪筆出蓬萊，万里從戎亦壯哉。
閩外論材需豹畧，尊前說劍許龍媒。
中朝人物希先輩，午夜文星接上台。
坐見烽烟銷滅盡，秋風聯纜到雲臺。

寄郭麾使希武

青年建節似君稀，千騎轅門擁鉄衣。
万里獨留孤劍在，三苗已見遠人歸。
西風暫及黃華醉，遠檄時將白羽揮。
却笑參軍淹病久，未諧清論寸心違。

九月朔日起覺寒甚

誰道炎荒暑氣蒸，重陽未到早寒生。
也知天運隨皇運，頓覺南行似北行。
季氏貂裘猶未理，楚人騷佩暫辭榮。
晚來笳鼓城頭急，祇有歸心對月明。

贈閩帥張鎰航海侯之孫

將軍簪弁旧名門，奕葉曾承雨露恩。
汗馬樓船成往

事玉符金券至今存節旄正倚雄邊重弓劍休嗟瘴
海昏早晚馮唐勞帝想定從白下候歸軒

憑祥道中遇元夕有懷

曾向蓬萊捧壽觴良宵湛露沐恩光鳳笙曲奏梨園
譜鰲背灯移火樹芳往事別來傷旅恨流年老去在
他鄉夷歌蛮舞誰能解馬上看山夜未央

與友人詠分得紅葉

一片飛來堦下紅滿林驚覓夜霜空綠豈不剪封周
第錦字頻題出漢宮亂撲狂衣山徑裏染成秋色夕
陽中幾迴記得停車處錯把春華認晚楓

詠萍

忽見新荷長綠萍恍疑殘雨散銀屏幻身慣舞風前
白弱質終浮水面青斗實當年歌赤日中逢何處覓
繁星却慚誰是深根蒂雨約風翻總未停

七言絕句

懷仙寄上清何尊師

崇臺高映太羅顛三素流雲繞碧天王母不來春又
暮洞門閒却古苔編
雲母屏風月影孤碧雲琪樹兩三株道童慣識鈞天
舞偷向堦前教鶴雛

漢苑行

羞將團扇泣秋風懶掃蛾眉傍笑叢一自掖庭辭輦

羅梨巷殘雨瑣深宮
露凝仙掌月華清
燈暗長門夢不成
咫尺昭陽承寵
處夜深猶自按歌聲

閨思

冷落殘箏十指疎
良人遠戍近何如
樓頭數盡南飛
鴈不見遼陽一字書

山居偶成

拂斷紅塵與俗違
雲屏幾曲傍深依
幽蘭小徑無行
跡
亂落松花自點衣

秋山吟望

一徑吟秋到石壇
烟蘿遠映碧峯寒
松邊獨鶴歸來

晚竊得閑雲片
看

題畫美人

八駿瑤池去不廻
蛾眉蕭颯鏡中哀
至今楚水荒臺
上化作行雲夢裏來

題張友謙倭扇山水

萬里空濛海上山
倦人樓閣有誰攀
只緣博望星河
棹移得蓬萊到世間

題畫白翎雀

塞花原草度交河
往日曾隨鳳輦過
一自翠華消息
斷空將遺恨寄雲和

題米老山水

海岳蒼前覓舊蹤
蒼茫雲樹米南宮
別來幾片毛月山
影都付寒鷗一笛風

題趙仲穆小景

踈烟淡月大堤傍
遠樹連牆接水鄉
子夜吳歌鷓鴣宿
鷺風流宛似趙家莊

題鴉

五陵鞍馬醉芳塵
翠袖籠香錦翼馴
一自雕屏辭闥
影露苔烟草幾廻春

為周處士題枯木

風摧雨蝕大江濱
寂寞盤龍百尺根
莫嘆支離空見
却五陵烟翠幾枝存

為林尚默題新竹

粉籜新凋亂玉叢
青已蒼
萬林空軒
廷未製伶倫

平濕江南烟雨中

題画馬

鳳翼龍鬃意氣雄
霜蹄蹀躞視輕風
時清不作沙場
夢日正承恩列仗中

題林禽山雀畵

人問不見函封帖
粉墨驚傳落畫屏
山鳥飛來林雨
後蒼苔啄破子青

題梨花折枝

庭院深沈簾幙垂
雪香雲影露參差
別來環珮春如

夢為洗殘粧付阿誰

題王孟端畫梧竹

洞門一夜起涼飈
萬籟無聲听漸遙
記得朝迴明月
底井梧埤竹共蕭

題馬苑小景

天際蛾眉淡欲消
樓臺染出襯層霄
玉簫吹徹鷺飛
去人在西湖第幾橋

題僧自悅山中白雲

度壑穿林元是幻
風收雨散却還空
要知自悅與持
贈都在青天片月中

題清源持上人萬壑松濤亭

一徑蕭森萬籟寒
翠濤烟縠渺茫間
道人夜半經行
處悟入声間向上關

題画鶯

半窳芳簾醉夢驚
數聲拂曙繞花城
憑誰借得東風
力吹入簫韶雜鳳笙

題畫鷓鴣

原草飄殘佐雪絲
日斜馬上鬪歸時
五陵別后傷心
事零落涼州笛裏吹

送僧歸山

一錫東歸雪正深
孤峰片月助禪心
道門亦有叅方
者踏遍空花何处尋

贈李進士

自古鐔津騰寶劍，尔家况住湛盧峯。
盤根此日方看試，白日青天見躍龍。

王奉祠宅餞其伯氏之蜀縣令

我家仙令來何處，又見双鳧日下歸。
明發謝庭看玉樹，可憐片月憶光輝。

都門飲散動行旌，千里看花到錦城。
好借三巴江上水，與君流作玉琴声。

夜泊潯陽江驛

度尽名山問楚湘，扁舟此夜泊潯陽。
琵琶声断知何處，江水江烟自眇茫。

雨中過洞庭

昨夜南風起洞庭，曉來湖上雨冥冥。
忽看天際驚濤白，失却君山一點青。

長沙懷古

孤城独上思徘徊，何似人間苦棄材。
寂寞湘南烟雨裏，賈生還吊屈生臺。

重登岳陽樓望君山

南湖烟水接天流，天際青螺掌上浮。
欲吊湘均何處是，不堪重倚岳陽樓。

常山道中即事

前山近曉樹蒼蒼，野蔌初抽綠筍長。
一路春風如有

約馬頭吹送落花香
提壺聲裏愛山春
色忽滿四鄰便欲共尋荷芰
服却慚簪紱苦紫身

黃州夜泊

岸籠芳樹水籠烟
山月江風共客船
半夜洞簫聲起
處不知誰是玉堂仙

宿鄴渚

彌衡洲古白雲低
更亮樓心玉綠樹
齊惟見晚空漁艇
火隨風遠過漢陽西

陳司馬舟中賞牡丹分韻得歡字

折露移雲出楚山
錦筵盡觴錦中看
洛陽久負春風

約相對無辭盡醉歡

黃陵廟

芳洲烟草碧萋萋
古廟雲深落日低
剝尽殘碑无可
問春山惟有鷓鴣啼

蔚林與陳司馬言別

鶴嚙嘶風千嶂裏
鷓鴣樓衝浪萬灘中
莫雲春樹重
見客裏相思更不窮

潯州驛

客裏潯陽暫泊舟
驛樓官舫晚烟稠
多情誤在琵琶
夢驚竟變天廬雨
秋

潯州憶丁顯

故人自是龍頭客何似南荒久不歸欲把一觴陳楚
些月江烟雨正霏

登月江樓 仙人送浦也

朝采一上月江樓江雨長涵瘴水流望斷釣槎人已
遠青山點點是邕州

左江錄似友人

左江之水日潏浚鳥語沙寒住百蠻莫道天涯應在
此交州更隔萬重山

交州印事

一騎衝城到市橋又臨州樹草蕭蕭居人猶指高駢
舊事元尚未凋

吳道平居是百蠻烟江花月也同攀一後烽火連天
后縱有神珠去不還

交州病中錄似諸友特軍中絕餉以手帖
干主帥索糧

問病尋方事總虛設旁車馬慰疇疢三年玉署蘭臺
筆學寫顏公乞米書

荅謝主帥

半歌烏帽病參軍万里從戎未策勲不有轅門賢主
帥飄零誰與慰殘魂

曳裾近作轅門客擁節終慙使者星後李報瓊何日
遂空餘豪氣倚青冥

病中懷故山

遠向清溪掩石門碧蘿烟帳鶴成群從誤作遊仙
夢誰管秋山幾片雲

衰、裡陰石徑斜野人迎住近烟霞別來門外滄浪
月開遍青松幾度花

九日有懷

故園松菊應无恙上国新醪也自佳兩地思歸俱未
得一身長笑在天涯

九日黃司空招飲不赴書以答之

菊觴萸豆有佳期客裏憐均慰所思不是參軍招不
赴病來烏帽未勝吹

為馮參議書題畫風竹馮沅湘人曾為給
事中

移得孤根過洞庭禁埤曾送珮珂聲如今座上涼飈
滿一掃炎荒瘴雨清

寄莫參政時在寶陸破賊

九月西風太白高唳麾白羽氣偏豪明朝歸報轅門
捷準擬盧江倒濁醪

送趙侍郎毅還京

富良江畔草萋上旌旆如雲鉄馬嘶帳下為君對
酒京華歸夢使人迷

晚眺鬱孤臺

百尺高臺怯暮寒
虎頭城枕碧雲端
縈迴二水蒼龍
今流下前溪十八灘

雨中登快閣寄畦樂處士

江風吹雨曉霏之
江上孤鴻濕倦飛
欲向滄波期釣
侶清嘗未許着荷衣

江上見醱醺分得人字

向來同醉帝城春
馬首東風落絳茵
玉架錦屏消息
斷只今誰是冶遊人

閱兵呈總統戎時積雨大霽

青天昨夜將星明
際曉風雲氣色清
試向閱兵臺上
望豺狼何處敢橫行

將臺高築颭旌旗
百萬貔貅試閱時
上下風雲同一
色天心元與將心期

平安南凱歌

大將南征討不庭
節旄万里耀威靈
轅門五夜狼星
墮直挽天河洗甲兵

萬里炎荒貼海平
腥波千尺舞長鯨
王師百萬從天
下瘴雨蠻烟一霎清

瘴海樓船一夕過
瀘江鉄騎曉鳴珂
皇家飛將功成
日不數當年馬伏波

增燁參旗護陣門
喧闐鼓角推回軍
當年麟閣休專
美此日雲臺更策勲

平胡凱歌

六龍曉駕出居庸萬里沙場一掃空制號山川歸奏
凱一時天地為昭融

旗翻魚海三秋雪馬蹙狼居萬里冰五夜旄頭橫陣
落六師齊和凱歌聲

滅胡山下起秋風飲馬河邊日射虹從此玉門開不
閉華夷南北一家同

六符同覩泰堦懸壯士平胡北到天萬同衣冠陳玉
帛兩京日月照山川

七言排律

暮雲春樹送張謙

岐路逢君賦遠遊傷心雲樹粵江頭輕陰向夕花前
度秀色將春雨外浮却訝梁園看漸杳恍疑巫峽散
還收白衣靄、迷征旆翠幄籠、引去舟惜別不緣
今日賦高情那記昔人留遙連蜃氣江東暝迥帶猿
聲渭北愁夢覺微茫沙上驛醉來掩映水邊樓宦情
已共青霄永別思空隨綠水流若到上林成五色好
分餘蔭及南州

南宮呈大宗伯

東璧文章映列曹南宮冠蓋富英髦名垂霄漢當時

重身接風雲盛世遭花引爐香聞整珮風移扇影見
渾毫蓬萊宴罷春雲集鳩鵲朝回朔雪高坐客書
毛遂穎故人曾贈呂虔刀獨憐璧海才華地久逐詞
林姓字叨已覩重光歌舜禹更期獨步許夔臯天瓢
若借恩波及未必臨風嘆二毛

醴泉應制時有禧事青禽白鶴先集慶雲
甘露降

寶筵初建曉蒼々大駕躬臨禮玉皇白鶴青鳶昭孝
感慶雲甘露兆佳祥更傳聖水符前代忽訝靈源湧
上方玉竇泛春時脉々金壘貯月尔泱々薦來只擬
羞萍實挹處渾疑剖蜜房玄酒奠壇同瑩徹黃流在

華等芬芳謾誇沈瀼移仙掌迴謝蒲萄入醉鄉瓊液
久疏神島瀟瑤池曾引帝臺漿中元表異還超漢貞
觀論功遠邁唐妙絕醞酬班十瑞款餘雲母已千霜
冰壺瀉罷同欣怍天乳露迴等壽康自愧涓微無補
報祇應上祝紫霞觴

寄題張真人蒼山精舍

旭日初霞晃翠屏琅玕芝草近珠庭玉簫吹徹鳶初
下丹液凝成鼎自高海闊傳絨曾命鶴夜深飛佩欲
騎星洞中石瀨移仙乳雲際根長茯苓象轂朱轡
朝太乙寶函金訣授玄經凡情久斷懸應解塵劫都
忘慮已冥却咲蟬螿同草露也應歲月羨椿齡何由

共把浮丘袂指點三山掌上青

贈馮參議貴馮以給事中從軍文陞擢任

其職

平蕪古堞晚蕭々秋盡炎荒草不凋北望休嗟邊檄
遠南來已見瘴烟消受恩部節分清要託顧專城協
上寮海國諸生多未布中朝老將半廻貂文雄慣草
軍門檄地僻曾迂使石輶萬里正看搏羽翼一枝從
此詫鷓鴣座中論俠心逾壯幕下延材氣不驕會見
徵書還賈誼未應投筆羨班超愧余感遇情初洽念
尔相逢意獨饒孤館瘳餘頗見過遐方溥暑不辭歌
呼童日午尋茶臼隔屋時來問醴歌正喜詞華泉倒

峽俄驚歲月斗旋杓星河耿耿當窓見島樹依依入
望遙一曲劍歌何處寫不堪聽盡海門潮

南海劉閩帥席間有成

雨收雲散海天空萬里相逢興不窮畫戟轅門閑夜
月高堂粉署坐薰風也知弓劍長懸久且仗壺觴宴
坐同櫪馬亂嘶邀上客佩魚初受列羣公芳尊瓊醴
蒲萄色錦席雕盤荔子紅作客久經南瘴遠當筵偏
激劍歌雄玉繩低繞双星外銀甲移來一咲中醉後
忽思驃騎幕灯前含咲看吳鴻

續書評附

蓋聞規矩方圓之至聖人以體天地之撰以類萬物
之情故竒圓而耦方轉筆為圓指筆為方方之平為
準圓之直為繩陰陽五行所以成象成形也書以方
圓平直為之主而輕重大小低昂長短邪正寓其變
焉上字之於下字左行之於右行橫邪踈密各有攸
當所謂增一分則大長虧一分則太短魚翼鳥翅花
鬚葉芒油然粲然各止其所上下連延左右顧瞻意
象森嚴血脉生動縱橫曲折無不如意毫髮之間直
然遺憾其四面八方巧於善陣所謂紛紜上闕亂
而不亂沈、沈、形圓而不可破豈足喻其妙哉必

其一字之間自應絜矩一篇之中可無絜矩之道乎
記本軍書古本最善行列近世惟趙吳與深得其旨
然就一篇之中固皆欲佳密有數字登峯造極者為
之主一字之中雖皆欲善必有一點一鉤一披一拂
主之如兵之有將石之有玉使人玩繹不可名言若
握筆則虛圓正緊四字盡之其餘以意變通則歷捺
鉤搨抵拒導逸其說益密矣至於用筆之功鋒芒毫
釐之間正用之側用之偏用之批荅用之背向用之
承覆用之傲讓用之低昂用之長短用之逆而順之
下而上之襲而掩之空中擲之架空捨之窮深掣之
頓挫之鬱屈之周而折之抑而揚之歲而出之垂而

縮之往而復之盤旋之踴躍之漜之使之入劔之使
之凝榮之如穿按之如竭注之耀之指之擢之揮之
掉之提之拂之收而繼之發而伸之淋之浸滂之使
之茂卷之感之雕而琢之使之密覆之削之使之縈
鼓之舞之使之奇喜而舒之如見佳麗如遠行客過
故鄉發其怡怒而激之如撫劔操戈介萬騎而馳之
發其壯哀而思也低回聚促登高弔古慨然而發其
悲樂而融之如夢華胥之遊聽鈞天之樂與其簞瓢
而樂之也忘情筆硯之間和調心手之用不知物我
之有間體合造化而生成之也而後為能書之至尔

有述誄

王偁字子真先東阿人宋寶元康定用兵西方士
有流于元昊者王氏遂為西方人元有天下其地最
後附賜姓唐元氏高祖王父某從下江淮授武德將
軍總管鎮廬州曾祖王父某祖王父某相繼襲爵改
上千戶沒俱葬大蜀山下先府君某當捨攘以材用
薦者調民職廬州路治中歷江西福建行省郎中至
階朝列大夫潮州路總管當時稱廉吏第一人所蒞
政績卓異字惠小民攘剔豪右禮賢士立綱紀民奉
以祠元運改王度時不可為浮海去之道聞父老
遮留退居永福山中為黃冠服者十年
朝拜聘之耻為二姓臣遂自引決嗚呼是時偁生方

六齡家巖然壁立太夫人守節自誓艱阻備嘗手疏
先君之蹟與古今豪傑大略教之外王父姓劉氏諱
某由宣文閣博士出僉閩憲再召入為秘書丞沒王
事贈嘉議大夫福建行省叅知政事其學淹貫靡不
究博古好雅翰墨之妙絕當世偁不及見之聞先正
聞過齋吳公學行醇偉為士林望與先君交誼相與
也先君沒時屬偁夫子教之弟未弱冠夫子沒偁
罔依歸賴外王父遺圖書手澤多杜門自研澁少多
病負第者三年莫臻其至弱冠入庠序與陳君從範
字陳蚤入聞過夫子室獲其指授懇、汰其瑕礫示
以瑜瑾一一如發部矣洪武庚午賓興歲領薦方去

海濱觀光上國會試禮部不利列入國子處縉雲朱
先生館下日求齊魯士與談訪其遺風及四方之賢
者而私淑之上表陳情乞終養

高皇帝憫之南歸越震澤徘徊吳會間不敢留趨侍
湯藥膝下始冀收其實而從範已物故閩父老亦凋
剝殆盡四睇毗落無可與語晚得晉昌林誌相與論
學假以柯範抗顏為多暇則窮幽極深徜徉物表趣
豁如也未幾太夫人捐館舍嗚呼居喪不敢渝禮既
合先君塋廬墓下者六年永樂初元以推轂者至京
師待命黃閣因自陳願處學校勵人材不允授從事
郎史官翰林檢討進講經筵以文學供職時錢塘王

洪擅詞垣與同官一見過相推重勅脩大典萃內

外儒臣及四方韋布士毋慮數千人濫竽總裁之列

大將軍英公覆征交趾辟居幕下於是泛洞庭浮沅

湘歷九疑弔蒼梧徵兵南海既而窮象柱道五管觀

師于日南九真之文時有贊勸大將軍待以為揖客

歸仍守其舊官先娶鄭氏新安人前名御史潛之孫

女先卒再娶薛氏閩故族孝養子姑貞淑內得其亮

生男一人振女子某一人其次男拱女子某十人側

室李氏出也此族系出處之槩少銳志於有為毅乎

思惟古以取今而用弗以施學雖服群聖獵百家窮

幽明亟於聞道而質淪恣杌遇登高車古慨然發其

悲壯愉樂一寓於文若詩而辭愧土直其為人則似
籬而容似傲而恭家貧而心樂身困而處裕然疾惡
太過遇權貴不能俛首下之任情以直不能斲以
人成功此其見短於世也見人善不啻若已有之雖
匹夫問未嘗不竭以盡與人交內外莫敢携此則自
以為長焉若夫惋以為終身之憾者齒失所怙哭吾
父祭不能生粗知學而哭吾之師如哭吾之父焉未
幾哭吾友如哭吾之師比得祿而太夫人不逮養有
子教之未立荷

兩朝之恩而莫一舉報嗚呼况茲身繫縲紲西山東
陵滿而未分孤臣之號庶女之慟南音之戚梁岬之

章孰為發之日者以支幹推定人既福生死謂吾年
日皆庚迪于丙歲在闕逢麗于鶉火其弗延矣嗚呼
其果然耶孟子曰桎梏死者非正命也晝夜之理吾
曷念之因述其系而極之以呼天之辭用自誅俾後
之為烏鳶為螻蟻在陽侯在回祿或返其遺骸或招
其魂魄或箴其衣冠庶令有考者憫其志而哀之焉
辭曰

予槩觀夫古之人枯材者恒困於弗施志大者惟
顛頓之屢躋嗚呼孟揚矧尔之古之才而尚其志
焉得不奇於時而護於尔負而

君不負而親嗚呼誰其白之愆々蒼天

書虛舟集後

嗚呼此吾閩先正王孟揚先生集也先生蚤
以業儒我

為呈朝應進士選入太學乞歸養定省之暇脩
書自如悅得與林宮論尚默先生相交善
皇初受知者薦以布衣入侍

講筵拜翰林檢討

天兵下安南英國公碣居幕下贊畫尤多先生
百作詩以直窮漢魏而與李唐諸

兵正法

為八

以死可也。夫昔人謂李廣不侯，
 世之駭人墨士多抑鬱窮愁，終不
 如楚平之湘羅賈太傅之可沙。
 揚州之投竄荒裔，觀光之自誅之
 者，果其然歟？抑韓昌黎所謂斥
 鴞不種，雖有出於人，其文學辭章必不
 自自力，以致心傳於後。如今無疑於然也。是
 集先師世華王先生守素時嘗翻刻諸郡齋
 年板，缺不能無。魚亥豕之訛，予近得繕

丕同。夏徐居宗所爰，因地歷之暇，屬表
 守鄭君克新重加校正，訂其訛而補其闕，得
 及之觀。是集者因詩以知文，因文以事為
 元主之心得，白乎天下後世云。

歲壬午冬十月吉，閩後學僅窓
 書于江藩分署